



BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
OPĆINSKI SUD U SARAJEVU
Br. 065-0-Su-24-001590
Sarajevo, 04.10.2024. godine

Na osnovu člana 64. stav 1) i Čl. 70. Zakona o javnim nabavama (Sl. glasnik BiH“ broj 39/14, 59/22, 50/24), i člana 16. Pravilnika o unutrašnjoj organizaciji Općinskog suda u Sarajevu broj: 065-0-SU-17-002702 od 09.01.2018. godine, na preporuku stalne Komisije za javnu nabavu formirane Rješenjem broj: 065-0-SU-24-000280 od 09.02.2024. godine u postupku javne nabave Ličilačkih (molerskih) radova putem Konkurentskog zahtjeva, za potrebe Općinskog suda u Sarajevu Predsjednik suda d o n o s i:

ODLUKA o izboru najpovoljnijeg ponuditelja

Član 1.

Prihvata se preporuka Komisije za javne nabave i Okvirni sporazum u iznosu od 9.450,00 KM bez PDV-a za nabavu radova: Nabava Ličilačkih (molerskih) radova za potrebe Općinskog suda u Sarajevu dodjeljuje se ponuditelju „Neimar d.o.o. Sarajevo“, a prema pristigloj ponudi br.: 63-09/24 od 20.09.2024. godine koja je ocijenjena kao najpovoljnija.

Član 2.

- (1) Prijedlog Okvirnog sporazuma dostavit će se na potpis izabranom ponuditelju u roku od deset (10) dana od dana kad su svi ponuditelji obavješteni o rezultatima postupka.
- (2) Izabrani ponuditelj je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabave, a u skladu sa točkom 3. Uslovi za kvalifikaciju, tenderske dokumentacije za predmetnu nabavu.
- (3) U slučaju da izabrani ponuditelj propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici suda, www.oss.ba, istovremeno sa upućivanjem iste ponuditeljima koji su sudjelovali u postupku javne nabave, u skladu sa članom 70. stav (6) Zakona o javnim nabavama.

Obrazloženje

Postupak javne nabave pokrenut je Odlukom o pokretanju postupka javne nabave broj: 065-0-SU-24-001590 od 05.09.2024. godine– Nabava ličilačkih (molerskih) radova za potrebe Općinskog suda u Sarajevu. Javna nabava je provedena putem Konkurentskog zahtjeva za dostavu ponuda.

Procijenjena vrijednost javne nabave bez PDV-a iznosi do 13.000,00 KM.

Tekst Konkurentskog zahtjeva za dostavu ponuda za nabavu ličilačkih (molerskih) radova učinjen je dostupnim svim zainteresiranim ponuditeljima, na portalu javnih nabava www.ejn.gov.ba uz objavljeno obavještenje o nabavi pod brojem 1299-7-3-156-3-36/24 od 10.09.2024. godine.

Komisija za provođenje postupka javne nabave formirana Rješenjem broj: 065-0-SU-24-000280 od 09.02.2024. godine je sprovela proceduru nabave, obavila javno otvaranje ponuda, načinila i dostavila Zapisnik o pregledu i ocjeni ponuda.

Zapisnik o pregledu i ocjeni ponuda broj: 065-0-SU-24-001590 od 03.10.2024. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda 4 (četiri) ponude
- da je blagovremeno zaprimljeno ukupno 4 (četiri) ponude
- da su ukupno 3 (tri) ponude prihvatljive za ugovorni organ

-da jedna (1) ponuda nije prihvatljiva za ugovorni organ i dostavljena je od strane Kuća Stil sp Rogatica

Podatci o ponudama koje se odbijaju:

• Odbija se ponuda ponuditelja Kuća Stil sp Rogatica budući da u skladu s Rješenjem Broj: 03/2-2-350-10/03 od 04.12.2012. godine ista samostalno zanatsko-građevinska radnja prema datom Rješenju nije registrirana za djelatnost koja je vezana za predmet nabave (ličilački radovi), nego prvenstveno za djelatnosti: **Izgradnja stambenih i nestambenih zgrada i Fasadne i štrukturske radove.**

Komisija je utvrdila da tri (3) ponude dostavljene od strane Neimar d.o.o. Sarajevo, D&D d.o.o. Sarajevo i Prag d.o.o. Sarajevo u predmetnom postupku ispunjavaju sve uslove za kvalifikaciju u skladu s točkom 3. Uslovi za kvalifikaciju tenderske dokumentacije za predmetnu nabavu i ostale uslove propisane od strane Ugovornog organa. Isti ponuditelji su pozvani da sudjeluju u e-aukciji čije je održavanje zakazano na dan 30.09.2024. godine s početkom u 10:00 sati. U skladu s Izvještajem o e-aukciji od 30.04.2024. godine, e-aukcija je ukupno trajala 18 (osamnaest) minuta.

Uzimajući u obzir da je komisija u cijelosti pravilno postupila i da je izbor najuspješnijeg ponuditelja izvršen u skladu sa Zakonom o javnim nabavama, podzakonskim aktima i tenderskoj dokumentaciji u cijelosti se prihvaća Zapisnik o pregledu i ocjeni ponuda od 03.10.2024. godine.

Tabelarni pregled pristiglih ponuda – rang lista prihvatljivih ponuditelja za nabavu Ličilačkih (molerskih) radova za potrebe Općinskog suda u Sarajevu nakon provedene e-aukcije primjenjujući kriterij „**najniža cijena**“ glasi:

R.B.	Naziv ponuditelja	Vrijednost ponude KM bez PDV-a
1.	Neimar d.o.o. Sarajevo	9.450,00 KM
2.	D&D d.o.o. Sarajevo	9.500,00 KM
3.	Prag d.o.o. Sarajevo	12.975,89 KM

Shodno utvrđenoj rang listi, primjenjujući kriterij „**najniža cijena**“ Komisija jednoglasno daje preporuku Predsjedniku suda da se za nabavu Ličilačkih (molerskih) radova donese:

ODLUKA

o dodjeli Okvirnog sporazuma ponuditelju : „**Neimar d.o.o. Sarajevo**“, u iznosu od 9.450,00 KM bez PDV-a kao najuspješnijem ponuditelju na rang listi. Okvirni sporazum se zaključuje na period od 3 (tri) mjeseca.

PRAVNA POUKA

Svaki ponuditelj koji ima legitimni interes u predmetnom postupku javne nabave, a koji smatra da je ugovorni organ u toku postupka prekršio jednu ili više odredbi Zakona o javnim nabavama ima pravo priložiti žalbu u pisanoj formi u roku od 5 (pet) dana od dana prijema ove odluke u skladu sa članom 99. i 101. Zakona.

Prilog:

1.- Zapisnik o pregledu i ocjeni ponuda broj: 065-0-SU-24-001590 od 03.10.2024. godine

Dostaviti:

1. Svim učesnicima u postupku
2. Komisija za javne nabave
3. Služba računovodstva
4. a/a

Predsjednik suda

DAMIR BATOTIĆ